

**Iluarsiissut**

Siunnersuut 9. marts 2026-meersup taarserpaa

(Siunnersuutip qulequtaa qulequttallu nassuiaataani oqaaseqatigiinniik naqinnerliukkanillu iluarsiisoqarpoq)

**Uunga siunnersuut:****Ilageeqarneq pillugu Inatsisartut inatsisaata allanngortinneqarnera pillugu Inatsisartut inatsisaat**

(Palasinik, provstinik, domprovstinillu atorfinitsitsisarneq soraarsitsisarnerlu, palaseqarfiup atuagarsuinik suliasanik agguaassisinnaalerneq kiisalu atorfiit pilersinneqartarnerat atorunnaarsinneqartarnerallu)

**§ 1**

Ilageeqarneq pillugu Inatsisartut inatsisaat nr. 9, 19. maj 2010-meersoq, Inatsisartut inatsisaat nr. 2, 29. november 2013-imeersumi aamma Inatsisartut inatsisaat nr. 27, 3. december 2018-meersukkut allanngortinneqartumi, allannguutit makku ilanngunneqarput:

**1.** § 15, imm. 2, ima oqaasertalerneqassaaq:

” *Imm. 2.* Palaseqarfimmi palasi ataasiinnaatillugu, taassuma palasip atuagarsuarnut allattuineq isumagissavaa.”

**2.** § 15, imm. 4-tut nutaatut ikkunneqassaaq:

” *Imm. 4.* Palasip atuagarsuarnik allattuisup palaseqarfimmi suleqataasumut atorfeqartumut allamut, palaseqarfiup atuagarsuisa suliasartaannik suliarinnissinnaassusilimmuut tunniussinnaavaa.”

Imm. 4 tamatuma kingorna imm. 5-ingussaaq.

**3.** § 24 ima oqaasertalerneqassaaq:

” **§ 24.** Biskoppip palasinik, ajoqinik pattattunillu aamma palasip ikiortaanik ilinniartitseqqinnerit ingerlaqqillunilu ilinniartitsinerit isumagissassarai.

*Imm. 2.* Naalakkersuisut palasinik, ajoqinik pattattunillu aamma palasip ikiortaanik ilinniartitseqqinnerit ingerlaqqillunilu ilinniartitsinerit pillugit aalajangersakkanik aalajangersaasinnaapput.”

**4.** § 26 b ima oqaasertalerneqassaaq:

” **§ 26 b.** § 26 a, imm. 1-imi piumasaqaataasunik naammassinnissimanngitsoq palasitut atorfinitsinneqarnissaa biskoppip immikkut ittumik akuersissutigisinnaavaa.”

**5. § 26 d** ima oqaasertalerneqassaaq:

” **§ 26 d.** Kinaluunniit Kalaallit Nunaanni Ilagiinni palasitut atorfinitsinneqartoq biskoppimit soraarummeersinneqarsimassaaq, ivertinneqarsimassaaq, Ilagiinnut palasitut neriorsuisimassaaq biskoppillu uppernarsaasigaanik palasitut sulisinnaangortitaasimassalluni.”

**6. § 26 f, imm. 2,** ima oqaasertalerneqassaaq:

” *Imm. 2.* Ilagiit sinniisaasa oqaaseqaateqareernerisigut qinnuteqartup qinnuteqaatini tunuartippagu, nutaamik oqaaseqaateqarnissamut ataatsimiinnermik ingerlatsisoqassaaq. Qinnuteqartoq qinnuteqaamminik tunuartitsisoq oqaaseqarnissamut ataatsimiinnermi siullermi taaneqarsimangippat nutaamik oqaaseqaateqarniarluni ataatsimiinnermik ingerlatsisoqassanngilaq.”

**7. § 26 f, imm. 4** atorunnaarpoq.

**8. § 26 g,** ima oqaasertalerneqassaaq:

” **§ 26 g.** Biskoppip palasitut kina atorfinitsinneqassanersoq aalajangissavaa, tak. §§ 26 e aamma 26 f.”

**9. § 26 h** ima oqaasertalerneqassaaq:

” **§ 26 h.** Qinnuteqartoq ilagiit sinniisaasa oqaaseqaataannut ilanngunneqarsimangitsoq biskoppip atorfinitsissinnaanngilaa. Qinnuteqartoq ilisimatitsiffiusumik ataatsimiinnermi siullermik taasisoqarnerani tamanit qinerneqartoq atorfimmi atorfinitsinneqassaaq.

*Imm. 2.* Immikkut ittumik pissutissaqartoqartoqarpas nutaamik inuttassarsiuisoqarnissaa Biskoppip aalajangersinnaavaa.”

**10. § 26 k, imm. 2,** ima oqaasertalerneqassaaq:

” *Imm. 2.* Ilagiit sinniisaasa oqaaseqaateqareernerisigut qinnuteqartup qinnuteqaatini tunuartippagu, nutaamik oqaaseqaateqarnissamut ataatsimiinnermik ingerlatsisoqassaaq. Qinnuteqartoq qinnuteqaamminik tunuartitsisoq oqaaseqarnissamut ataatsimiinnermi siullermi taaneqarsimangippat nutaamik oqaaseqaateqarniarluni ataatsimiinnermik ingerlatsisoqassanngilaq.”

**11. § 26 k, imm. 4** atorunnaarpoq.

**12. § 26 l, imm. 1** ima oqaasertalerneqassaaq:

” Biskoppip aalajangissavaa provstitut imaluunniit domprovstitut atorfimmut kina atorfinitsinneqassanersoq.”

**13. § 26 m, imm. 1** ima oqaasertalerneqassaaq:

” Biskoppi Kalaallit Nunaanni Ilagiit ataanni Ilagiinni sulisunut allaffeqarfinnilu sulisunut atorfiit pilersinnissaat atorunnaarsinnissaallu pillugit aalajangiissaaq.”

## § 2

Inatsisartut inatsisaat ulloq 1. januar 2027 atuutsinneqalissaaq.

*Kalaallit Nunaanni Namminersorlutik Oqartussat, ulloq xx. xxx 2026*

Naalakkersuisut Siulittaasuat